

歷史

唐虞三代

兗州之域 舊志謂兗冀二州之域非也按禹貢云濟河惟兗州爾雅云濟河間曰兗州周禮云河東曰兗州是三代兗州未嘗跨河而過之也古之大河自大伾而北焉得及今府境雖周定王五年河徙之後在郡境也而漢之冀州固非三代之冀州也故斷之以為兗州之域

周

聊城縣鄉土志

郭國後入齊

秦

聊城屬東郡 按衛至始皇之世僅守濮陽城秦滅之遂於此置東郡漢因秦之舊耳事見史記

漢

兗州部東郡治濮陽在今開州西南領二十二縣分其七一為聊城

東漢

兗州部東郡治濮陽後改治武陽領十五縣分其六一



為聊城

晉

冀州部平原國治平原領九縣分其四一為聊城

北魏

濟州部平原郡治聊城領四縣一為聊城

隋

武陽郡治貴鄉領十四縣分其六一為武水為聊城按
隋開皇三年盡廢郡以州領縣大業初又改州為郡
置司隸刺史分部巡察汶郡之後但云置刺史巡察

聊城縣鄉土志

二

不云分天下為幾部且司隸刺史所屬監察御史之
屬則是臨時分行非有專治也舊志以武陽郡屬兗
州以清河武安郡屬冀州此隋書地理志之誤見堂
邑志

唐

河北道魏州治聊城領六縣一為聊城

五代

聊城縣為博州治

宋

河北東路博州治聊城領四縣一為聊城

金

山東西路博州治聊城領五縣一為聊城

元

山東宣慰司東昌路總管府治聊城領六縣一為聊城

明

山東布政司東昌府治聊城領三州十五縣分其七一為聊城

國朝因明舊制雍正十三年升曹州為府割府之濮州范縣

觀城朝城屬焉乾隆四十年改臨清為直隸州割夏津武城邱縣屬焉今東昌府領州一縣九衛一附首縣附郭春秋時齊聊攝也春秋僖公元年邢遷於夷儀東漢書聊城有夷儀聚蓋齊取於邢而有之以為西鄙戰國魯仲連時書喻燕將即此秦置聊城縣屬東郡兩漢因之三國魏屬平原國劉宋屬魏郡元魏太和十一年分平原國置安德郡移平原郡於此治王城秦武初置南冀州永安中罷改屬濟州孝昌中分置西聊城後齊省入隋改屬博州大業初州廢

國朝因之

以聊城屬武陽郡唐武德四年析置茌平縣天祐三年更曰聊邑又以聊邑博平高唐武水之河外地入鄆州是時縣為博平郡治蓋州當天寶初改為郡也五代晉開運二年河決城北南徙巢陵故城永樂舊志云在今府治東南十五里周廢武水縣以其地益之宋改郡為博州仍治聊城縣淳化三年河決巢陵乃移治孝武渡西即今治元至元元年析為博州路總管府治十三年改為東昌路治明為東昌治

東昌向有平山東昌兩衛康熙二十七年裁平山衛併入東昌衛光緒 年裁東昌衛併入聊城縣

政績錄

後漢

范升字辨卿代州人善梁邱易建武二年光武徵拜議郎遷博士永平中為聊城令有善政人頌之

元

袁裕洛陽人從兄避難聊城因家焉中統初為聊城縣丞用法平允累官刑部侍郎出為順德路總管後官至侍御史

明

毛驥字仲德長安人監生景泰間知聊城縣事奉公潔己首創學宮士人德之

張詢朝邑人舉人宏治間知聊城縣為政簡肅有恩信徵賦揭期縣門百姓爭輸

伍閻字太和增城舉人嘉靖甲辰知聊城縣真心實政扶弱惠窮初至大水請於當道出粟賑給郡符加役閻曰民疲極矣正賦之不支又何益乎泣請罷免往歲里甲供應煩費什九破產閻徵錢入官手胥篋支歲畢歸其餘於民州縣以為法嘗設官說謂食俸炊

薪此孰非民脂猶殘下罔上譬傭工者受人之直而復盜其有也讀書謂何在官三年惟敝袍脫粟以內艱歸百姓哭留彌月賻之不受去後百姓立伍公去思碑

張春字六行同州舉人萬歷間由堂邑調聊城除暴興利有實蹟舊役派里甲輪應百姓苦累春與推官范景文議革除之募夫十六人分管地方捐俸置沙鎮地四頃五十畝每人給地二十畝作工食永不累民李爾馨故城人號小川例貢萬歷任聊城主簿博學能

文因部糧回籍徑告致仕時論高之

閻銘南海人舉人正統間聊城縣訓導經明行修兩典文衡稱得人

韓子廉字蘭野涇陽人舉人萬歷間任聊城才猷蓋世體介當時修纂縣志設穀備賑以科索之擾先革十排議行條鞭之法將闔縣錢糧俱照地丁起科各費悉除民稱輕便

國朝

劉成材遼陽人順治七年任聊城軫念百姓供應大兵

大役以身任不致累民士民德之

何一傑字彥修涇陽人己卯舉人順治十六年任聊城續修縣志留心民瘼時論稱之政畧詳去思碑

楊時薦字賢甫鉅鹿人順治戊戌進士初任聊城縣地方荒殘省刑節用與民休息禮接措紳虛己請益供應大兵芻蔬餼牽咄嗟立辦不擾民間奏最內遷士民攀留遮道有楊佛之稱

謝命龍字雲從連平州貢生康熙七年知聊城前官積弛逋糧二萬有奇又代徵元年至六年錢糧寓催科

於撫字水陸衡疲蠲俸供應禁盜緝逃從無累及一民士民共立碑紀之

張龍驤字標年秀水人侍郎天植子康熙丁巳舉人知聊城縣禁私派革陋規縣有丈量舊尺奸胥改短誣民欺隱較原尺正之懲吏以法歲飢鬻妻女者悉令贖還去官時民盡流涕立碑誌德

音德滿洲正黃旗人道光十年十月到任十一年四月卸事纔七月耳去之日攀轅卧輒有不忍釋然者抑何得民心如此理事必在大堂不輕用刑開導再三

往往感泣其訟自息時有新親旋悔而訟者傳冰人
略訊聲色不動即退不數日將女認為己女夫人本
無子女愛之甚備裝命其婚親迎始終無遺言又有
以年誼晉謁者求事允之命少坐以待即坐堂破除
情面遂結此案聞者稱快無事則匹馬至鄉里遇父
老必問疾苦除弊政亟多父母之稱奚愧焉
李肇春稼鄉直隸清苑人道光二十七年任聊城不數
月而盜賊息咸豐三年南氛漸竄而北公日與諸紳
議畧為之備並請府憲俾便宜從事乃擇有膽識德

望者出而定其條例以職員李鏡海首任其事不數
旬得練眾二萬有奇邑中任氏家有兵書準今酌古
制為軍器如所需之銃炮木石等悉照用之靡不應
手次年南賊北竄雖逼處吾境率相戒不入李公治
偶偵得奸細公詢之賊曰汝李公耶我軍震汝威勿
敢犯今潛入探虛實為所獲死得其所公之名賊懼
之公之德賊亦感之矣未幾公以積勞患背癱竟不
起時賊猶在左右人心恐益悼公幸同城諸公皆素
得民心與公併力者諭民曰公歿而事悉如舊人心

始定十一年賊圍城急公長子均署聊城亦戰守得宜賊息調補商河以去

榮金華順天大興人道光二十六年任東昌衛守備咸豐間南氛熾同聊城知縣李肇春辦理團練製鎗炮器械保奏

賞戴藍翎時臨清失陷復防堵守城又保加遊擊銜積勞成疾六年九月卒於任人皆德之

劉大有湖南新化人乾隆壬子武舉道光三年選東昌衛守備派任十五年實心實政境內有蝗捕之力幸

不成災民感之復因年歉稟請平糶活者無算民尤德之歿於任貧不能歸厝城南李海務權覺寺後其次子振先山東候補典史

兵事錄

戰國

燕將樂毅攻聊城不下聞絃誦聲後以書喻之乃下後
燕將保聊城齊田單攻之魯仲連遺書燕將將自殺
聊城乃復歸齊

秦

二世三年十月沛公攻殺東郡尉齊王建孫安下濟北
濟北即聊城

漢

高帝元年項羽立田安為濟北王十一年陳豨將張春
攻聊城漢使郭蒙擊破之

獻帝元年東郡太守橋瑁會兵討董卓二年白波賊寇
東郡三年袁紹表曹操為東郡太守

東晉

武帝太元九年燕慕容垂屯兵聊城之逢關陂

唐

高祖元年隋臣鄭善果據聊城竇建德攻拔之四年劉
黑闥陷聊城秦王世民攻拔之

則天后垂拱四年郭務悌為武水令瑯瑯王冲圍之不克兵潰自殺武水即聊城

開運二年契丹寇冀州都指揮劉誠誨拒之
代宗廣德九年田承嗣為魏博節度使後承嗣死其姪田悅為留後魏博即聊城

宋

嘉定十三年紅袄賊反聊城

元

至正十八年紐的該據聊城察罕帖木兒討平之

聊城縣鄉土志

十一

明

建文二年燕兵薄東昌盛庸擊敗斬其將張玉
成化元年清豐賊掠聊城尋平之

國朝

乾隆三十八年八月壽張賊王倫作亂犯東昌關帝顯靈賊見之驚走城賴以安因立關帝廟於西城春秋祀之

咸豐十一年堂邑土匪宋景詩雷奉春作亂焚掠東關困城數日山東巡撫譚遣兵擊退之

同治七年三月二十五日擒匪張總愚北竄困擾聊城
忠親王留守兵擊退之

兵事錄

粵賊洪秀泉之陷金陵也遣其偽將吉文元林鳳翔李開方等率悍黨萬餘人北犯由皖入豫由豫入晉由晉入畿輔連陷郡縣裹脅日衆而欽差大臣勝保躡擊其後頗有新獲圍之靜海及獨流鎮科爾沁郡王僧格林沁統領蒙古諸部兵及京營各將軍都統等馳往會勦適金陵賊遣其黨黃生才等率衆北援陷臨清州脅從至五六萬人勝保與領侍衛內大臣士默特貝子德勒克色楞等督兵迎勦賊無食可掠脅從者解散大半沿

途復被鄉團截殺勝保晝夜窮追至豐縣勦滅全股黃生才被山東官軍擒獲伏誅其靜海獨流鎮之賊南竄阜城僧郎追圍之賊聞黃生才一股為勝保所滅相謂曰莫余援也已遂并力突圍奪越三濠三壘竄至連鎮立木柵掘深濠守之復分其馬隊竄踞高唐州當是時吉文元已被吉林兵射死林鳳翔在連鎮僧郎圍之李開方在高唐勝保圍之高唐賊衆皆百戰精銳糧食充足緣城複立木柵悉用土壘週挖濠溝陷坑又挖地窟賊皆潛居并有地道直通城外每黑夜劫營官軍頗有

失亡勝保鑄大礮樹雲梯攻城皆不能克遂築壘挖濠以困之僧邨以咸豐五年正月十九日攻克連鎮搜捕餘匪悉數殲滅惟不見林鳳翔擒賊供稱在窟室中官軍窮搜得之則見林鳳翔方在地洞挾二美人宴飲驩呼已將長髮薙去蓋欲乘間潛逃也遂與其黨十一人一并生擒解京誅之僧邨晉封博多勒噶台親王即移得勝之師馳赴高唐自德貝子以下俱受節制勝保以師久無功逮京治罪僧邨故撤高唐南面站牆兵勇誘賊出巢賊果出城棄其馬隊全數步行竄踞馮官屯屯

距高唐四十五里距茌平十八里賊脅民夫用各種大木器週圍堵住內又徧掘陷坑排列鎗礮守禦嚴密屯內本多豪富皆高樓大廈外而磚牆十分堅固礮不能入僧邨追至屯外用馬步隊圍圍賊目持旂登樓眺望見我兵近前即放鎗礮勢難驟進僧邨相度地勢知非水攻不可即擬引運河水灌之衆謂屯中地勢墳起恐非水力所能及僧邨內斷於心神機密運先於屯外週築圍牆牆外掘濠溝甚寬廣又以掘濠之土加培內牆布置周而旋據已革廣西左江道張晉祥稟稱願捐資

獨任其事僧郎許之遂挑挖運河自東昌三孔橋起至
馮官屯石橋止共一百二十三里計長二萬二千一百
七十六丈口寬一丈七八尺底寬六七尺深五六尺不
等計需工價京錢五萬二千餘貫自二月初旬起至三
月初四日工竣竟引水入濠僧郎旋即飛飭僱集民夫
二三千人或用水車或用巴斗灌入牆內牆外築墩排
列鎗礮一面令兵勇站立瞭望防賊突出挖牆倒浸一
面督役晝夜輪流灌注不息由是漸灌漸滿牆內水深
三四五尺不等賊穴糧草火藥盡溼賊聚居樓上我兵

用礮不時轟擊賊之柴米漸乏勢甚窮蹙四月十三日
巳刻李開方遣其心腹百餘人混入難民內泅水出降
意欲藉為內應僧郎心知其偽訊出被脅難民遣回原
籍其餘賊黨一百四十餘人分撥各營乘夜盡誅之遂
令兵勇越牆逼近土堰放火燒燬賊巢賊萬分窮蹙十
六日黎明僧郎又令兵勇越牆四面進攻忽大風驟起
飛沙揚塵瞬息不辨南北僧郎即命撤隊巳刻李逆遣
一賊呈送降稟僧郎諭令限本日午刻先繳軍器方准
投誠約半時許果來繳軍器遙見賊隊數十人高張紅

傘擁李逆前進志在乘此脫逃僧郎偕德貝子等逆探其詐暗令馬步隊數萬人張左右翼以待之李逆既入穀中遂與其黨八十八人俱在濠邊擒獲僧郎傳令將八十八人撥入各營其賊目八人在營外帳棚守候但令李逆進見李逆頭戴黃綢繡花帽身穿月白綢短襖紅綢褲紅鞋年約三十二三攜兩賊童身穿大紅繡花衣褲紅鞋年約十六七美如女子左右揮扇隨李逆直入帳中李逆僅向僧郎德貝子等各屈一膝即盤腿坐於地兩童東西侍立帳內總兵以下皆持刀環立怒目

視之李逆與二童仰面四顧毫無懼色但稱能寬貸其罰願說金陵諸賊來降並求賜飯遂開懷大嚼笑語如常旁若無人僧郎知其心叵測飯畢遣出又令八賊目進帳皆跪見求救亦即遣出遂將李逆與八賊目解至京都凌遲處死僧郎查明連鎮高唐馮官屯三處陣亡官弁兵勇八千餘人設立祭案將就擒餘匪八十人並二賊童綑縛挖心祭之作祭文曰爾官爾民為國忘身沙場戰死英靈未泯天鑒爾志振我軍聲渠魁既殲賊黨悉擒剖其心肝慰爾忠魂尚饗僧郎放聲大哭官弁

兵勇無不墮淚僧邸前經
晉封親王於是奉
旨世襲罔替並
賞肩輿其餘文武各官
賞賚爵秩有差薛氏庸庵筆記